


T 1786.1/1320 (1)

HARVARD-YENCHING LIBRARY,
HARVARD UNIVERSITY
2 DIVINITY AVENUE

ejamamoto

JUL 29 1969



督學部院張大夫宗師鑒定

太史劉大宗師鑒正

聖門禮樂統

江浦張躬先纂輯

萬松書院藏板

十

鼎鑊聖門禮樂統姓氏

督學部院張大宗師鑒定

太史郡憲劉大宗師鑒閱

江浦後學張行言纂輯

慈谿袁稽亭先生諱鈞

瀋陽范雲際先生諱成遇

奉天賁先生諱泰

上京金漢章先生諱燦

燕臺馬伯御先生諱騏

鄆陽李伯霖先生諱宏霍全校正

三韓甘德沂父師諱國埏 鑿纂

哈佛大學哈佛燕京
圖書館珍藏印

山前與吳決...
樂...
...

金臺趙觀成先生諱邦寧 監刊

關中劉叔讓先生諱德至

高陵吳次公先生諱仲光

廣寧陳和菴先生諱九陸

陽穀張慎菴先生諱士琬

滄州周右公先生諱師望

永福游紫垣先生諱祿宜

錫山稽文子老師諱曾發

震澤王成士先生諱奕章 全校纂

聖門禮樂統凡例

一天生孔子集羣聖之大成爲萬世禮樂之宗主歷代帝

王咸表章而師事之禪受代興祇祀不忒歷選羣史厥

典惟鉅是用哀輯肇自魯哀近迄

昭代凡預見聞莫敢遺失顏曰聖門禮樂統要萃爲一書

非別叅臆說也

一是書之作始於癸酉仲夏病移蕭寺一二方外舉浮屠

源流多附會齊梁故事劇談豔稱因有感 先聖先賢

歷代祀典煌煌載籍名爲士林無錯舉一二者闕畧鮮

聖門禮樂統 卷一
據殊可汗顏用歸發敝筭挑燈揮汗蒐求遺編輯爲若干卷閱十寒暑凡三易稿云

一 聖門禮樂鮮覲全籍行及見者僅有闕里志傳道錄陋

巷志三遷志孔庭纂要等書翔自往哲允稱鉅觀然或專而弗該散而罔備世次年代之間分見錯出觀者殊

未洞然茲編所載 先聖謚號禮典樂章宗子封襲及

諸賢始祀改祀罷祀千九百餘歲之要典皆詳志之其餘如修廟賜田衆子拜官之類與廢沿革總附錄焉

一 弁端首敘道統次志禮經方次祀典著羲農以來道備孔子而歷代帝王崇德報功各有原本其後卷圖志亦

首援樂經總見聖門禮樂感幽格明至鉅至悉非同汎觀也

一 孔子作世家從祀者作列傳其宗子世表亦卽附于世家之後蓋志盛也至各傳中有年可考者以事係年無年可考者以類敘事亦有先無年月而後有先有年月而後無者各從實紀之若孔門弟子缺其事者錄其言言亦缺者聊備名氏蓋至嚴且慎毫不敢妄附也

一 孔門弟子當以家語爲主史記以後恐愈遠而失真乃自嘉靖中釐正祀典義爲畧備然實出於張璠矯覈之議非真有功於聖賢者也故祀鄆單革懸亶罷顏何

冉改蘧伯玉林放而祀于鄉世之君子心甚病之至
 歐陽公之賢而獨以濮園一議躋祀廟庭當時如范文
 正公先憂後樂道德功言無媿聖賢獨不預祀此尤其
 矯議興獻附會迎合之隱狀所獨露者故凡列傳中微
 文志意稍叅末議焉

一家語史記所載聖賢事蹟凡可疑者間從刪削

如子貢說齊霸

越之類蓋傳信也或子集不詭于正者亦為采輯以備訂

正顧見聞寡陋遺缺者多尚有俟于博雅君子耳

一諸賢言論行寔關理學者錄關教化者鈔關綱常經濟
 者錄諸細行文辭則畧而弗載以非聖門所重恐汎志

之反與祀典無預也

一從祀諸賢祖父有世德及師友淵源者傳首必先列之
 其子若孫能濟其美與門人之能傳其學者亦附于本
 傳之後蓋前承後繼輝映聖門茲備錄之庶以闡揚先
 烈亦將推美後人云耳

一書中所繪圖次道統世系尚已而諸儒經學源流亦因
 以附載者蓋以聖賢之道盡在六經外此別無所謂道
 也茲自漢以來傳經諸儒有從祀者既列傳矣其不從
 祀者亦賴其專門講授經學得傳應列于圖次俾功德
 不泯滅焉

聖門禮樂總 凡例 藏板
一後卷律呂宮譜法調禮器樂器佾舞樂章等編皆彙輯古本合爲一編而孔孟林廟等圖亦必附載之者非僅備閱者之觀覽亦以顏曾四氏尚有配祀門人既未列傳庶將附見于斯豈以爲繪刻之末務貽誚多事耶
一歷代諸儒有道有德立功立言而未獲從祀者卽無敢擅入列傳間於各儒之後附著其行以俟 當事之題請焉

一改祀罷祀諸儒猶列之末簡者所以昭鑒戒也蓋從祀重典公論皎若日星議禮者慎毋輕舉亦無輕廢云
一卷中考據徵引典籍甚繁 行家貧學陋方愧管窺上賴

先君子庭訓生平詔告無非 先聖賢之嘉言懿行用是佩服不忘於前纂輯小學翼朱之時寓居金陵獲閱坊間遺書及爲是編哀采摭撫次第彙成不能悉載目錄只于各條下註明所出非曰考信聊免無稽至蒙指摘所深幸云

康熙辛巳秋七月既望東吳後學張行言謹識

禮樂統目
凡例
四
藏板

聖門禮樂統目錄

督學部院山右張大宗師鑒定

太史郡憲山左劉大宗師閱正

江浦後學張行言纂著

卷首 綱領

道統 禮經 歷代道統圖

世系圖 諸儒經學圖

卷一 祀典通攷

魯 漢 東漢 三國

晉 東晉 南北朝 隋

卷二 祀典通攷

聖門禮樂統
目錄
萬松書院

唐 五代

卷三 祀典通攷

宋 附 遼金 南宋 附 遼金 元

卷四 祀典通攷

明 附 擬祀諸賢

卷五 祀典通攷

國朝 附 歷代祭文

卷六 世家

孔子世家 宗子世表

卷七 四配 列傳

顏子 復聖 曾子 宗聖 子思子 述聖 孟子 亞聖

卷八 十哲 列傳

閔子 騫 冉子 牛 宰子 我

端木子 貢 仲子 路 冉子 有 言子 游

卜子 夏 顓孫子 張

聖門禮樂統綱領

道統

孟子曰由堯舜至於湯五百有餘歲若禹臯陶則見而知之若湯則聞而知之由湯至於文王五百有餘歲若伊尹萊朱則見而知之若文王則聞而知之由文王至於孔子五百有餘歲若太公望散宜生則見而知之若孔子則聞而知之由孔子而來至於今百有餘歲去聖人之世若此其未遠也近聖人之居若此其甚也然而無有乎爾則亦無有乎爾

董子曰道之大原出於天天者萬物之祖聖人法天而立道○今師異道人異說百家殊方持慮不同是以上無以持一統法度數變下不知所守臣以爲諸不在六藝之科孔子之術者皆絕其道勿使並進邪辟之說滅息然後統紀可一而法度可明民知所從矣

韓子曰堯以是傳之舜舜以是傳之禹禹以是傳之湯湯以是傳之文武周公文武周公傳之孔子孔子傳之孟軻軻之死不得其傳焉

周子曰道德高厚教化無窮實與天地參而四時同其惟孔子乎○春秋正王道明大法也孔子爲後世王者而

修宜乎萬世無窮王祀夫子報德報功之無盡焉

程子曰聖人之德無所不盛問楊子云觀乎天地則見聖人曰不然觀乎聖人則見天地天地中一切函容覆載故聖人之志曰老者安之朋友信之少者懷之

張子曰爲天地立心爲生民立命爲往聖繼絕學爲萬世開太平此道自孟子後千有餘歲若天不欲此道復明則不使今人有知者既使今人有知者則必有復明之理

朱子曰天降生民旣莫不與之以仁義禮智之性矣然其氣質之稟或不能齊一有聰明睿智能盡其性者出於

其間則天必命之以爲億兆之君師使之治而教之以復其性此伏羲神農皇帝堯舜所以繼天立極而司徒之職典樂之官所由設也○自是以來聖聖相承若禹湯文武之爲君臯陶伊傅周召之爲臣旣皆以此而接夫道統之傳若吾夫子則雖不得其位而所以繼往聖開來學其功反有賢于堯舜者然當是時見而知之者惟顏氏曾氏之傳得其宗及曾氏之再傳而復得夫子之孫子思則去聖遠而異端起矣自是而又再傳以得孟氏爲能推明之以承先聖之統及其沒而遂失其傳焉○至宋受命而周子出焉不由師傳默契道體建圖

屬書根極領要當時見而知之有程氏二夫子遂擴大而推明之而周公孔子孟氏之傳煥然復明于時非天所畀其孰能與于此

又曰天不生仲尼萬古如長夜唐子西嘗于郵亭壁間見此語蔡季通云天先生伏羲堯舜文王後不生孔子亦不得後又不生孟子亦不得二千年後又不生周程亦不得此道更前後聖賢其說始備○自堯舜以下若不生一孔子後人去何處討个分曉孔子後若無个孟子也未有分曉孟子後數千載乃始得程先生兄弟發明此理今看來漢唐以下諸儒說道理現在史策者只有

聖門禮樂統 綱領 三 藏板
个韓文公依稀說得畧似耳

尹起莘曰自堯舜禹湯文武既沒天生孔子爲萬世仁義禮樂之宗主生民之類不至糜爛絕滅者吾聖道扶持之功用也

勉齋黃氏曰道原於天具於人心著于事物載於方策明而行之存乎其人聖賢迭興體道經世三綱既正九疇既敘則安且治聖賢不作道術分裂邪說誣民充塞仁義則危且亂世之有聖賢其所關係者甚大生而榮死而哀秉彝好德之良心所不能已也堯舜禹湯文武周公生而道始行孔子孟子生而道始明孔孟之道周程

張子繼之周程張子之道文公朱先生又繼之此道統之傳歷萬世可考也

五峰胡氏曰皇皇天命其無息也體之而不息者聖人也
是故孔子學不厭教不倦顏子希孔子欲罷而不能孟子承先聖周旋而不舍我知其久于仁矣○孔子定書刪詩繫易作春秋何區區於空言所以上承天意下憫人窮故丁寧反覆三思不勑使人知所以正心誠意修身齊家治國平天下之本也孟子閑先聖之道慨然憂世見齊梁之君開陳仁義提世大綱一掃東周五霸之弊奮興衰撥亂之心其傳聖人之道純乎純者也

北溪陳氏曰粵自羲皇作易首闡渾淪神農黃帝相與繼天立極而宗統之傳有自來矣堯舜禹湯文武更相授受中天地爲三綱五常之主臯陶伊傅周召又相與輔相之施諸天下爲文明之治孔子不得行道之任乃集群聖之法作六經爲萬世師而回參伋軻寔傳之上下數千年無二說也軻之後失其傳蓋千數百餘年及濂溪先生與河南二程先生卓然以先知先覺之資相繼而出其于天理之微人倫之著事物之衆鬼神之幽與凡造道入德之方修己治人之術莫不秩然有條理備見于太極通書易傳春秋之間使斯世之英才志士得

以探討服行而不失其所歸河南之間斯文洋洋與洙泗並聞而知者有朱文公又卽其遺言遺旨益精明而瑩白之上以達羣聖之心傳下以統百家而會于一蓋所謂集諸儒之大成而嗣周程之統緒以粹乎洙泗濂洛之淵源者也

果齋李氏曰自夫子設教洙泗以博文約禮授學者顏子曾子子思孟子相與共守之未嘗失墜其後正學失傳士各以意爲學寥寥千載而後周程張子出焉歷時未久浸失其真朱子出而後合伊洛之正傳紹鄒魯之墜緒前聖後賢之道該徧全體其亦可謂盛矣○古者易

更三古混于八索詩書煩亂禮樂散亡而莫克正也夫
子從而贊之定之刪之正之又作春秋六經始備以爲
萬世道德之宗主秦火之餘六經既已脫爛諸儒各以
已見妄爲穿鑿未嘗有知道也周程張子其道明矣然
于六經未暇釐正朱子於是考訂訛謬探索深微總裁
大典勒成一家之言仰包純古之載籍下采近世之文
獻集其大成以定萬世之法然後斯道大明如日中天
夫子之經得先生而正夫子之道得先生而明起斯文
于將墜覺來裔于無窮雖與天壤俱敝可也後有作者
弗可及矣

西山真氏曰道之大原出於天其用在天下其傳在聖賢
故自堯舜至于孔子率五百餘歲而聖人出孔子既沒
曾子子思孟子復先後而推明之百有餘年之間一聖
三賢更相授受然後堯舜禹湯文武周公之所以開天
常立人紀者粲然昭陳垂示罔極然則天之生聖賢也
夫豈苟然哉不幸戰國嬴秦以後學術渙散無所統盟
雖以董相韓公之賢相望于漢唐而於淵源之正體用
之全猶有未究其極者故僅能著衛道之功于一時而
無以任傳道之責于萬世迨至我宋大儒繼出以主張
斯文爲已任蓋孔孟之道至周子而復明周子之道至

二程子而益明二程之道至朱子而大明其視曾子子思孟子之傳若合符節豈人之所能爲也哉天也

臨川吳氏曰道之大原出於天義農黃帝繼天立極是謂三皇道統之傳實始於此黃帝而後少皞顓頊高辛繼之通堯舜謂之五帝堯舜禹臯君臣也而竝生唐虞之際所以爲盛也成湯伊尹生于商之初興而傳說生于商之中世文武周公生于周之盛際而夫子生于周之既衰夫子以來始不得位而聖人之道不行於是始教授弟子而惟顏曾得其傳顏子早死曾子傳之子思子思傳之孟子孟子沒而不得其傳焉至周子始有以接

乎孟子之傳於千載之下二程子則師于周子而傳其學後又有朱子集周程之大成是皆得夫道統之傳者也聖賢繼作前後相承吾道正脉賴以不墜

正學方氏曰孔子天之孝子當其始生天便將許大負託全付孔子去做自此天便無事

潛溪宋氏曰孔子天之孝子朱子孔子之孝子

禮經

禮王制四代之學有虞氏上庠下庠夏后氏東序西序殷人右學左學周人兼之

學記古之王者建國君民敦學爲先古之教者家有塾黨

有庠術有序國有學

周禮大司樂掌成均五帝學名之法以治建國之學政而合國

之子弟焉凡有道者有德者使教焉死則以為樂祖祭於

瞽宗

鄭康成曰有道德者若舜命夔典樂教胄子是也死則

以為樂祖神而祭之也明堂位曰瞽宗殷學也

賈公彥曰祭樂祖必於瞽宗者文王世子云春誦夏絃

太師詔之瞽宗以其教樂在此故祭樂祖亦還在此

王制天子曰辟雍諸侯曰頌宮

陳澔曰辟明也雍和也頌之言班也所以班政教也

大胥春入學舍

音釋後

采讀作菜

合舞秋頒樂合聲

鄭康成曰春始以學士入學宮而學之必釋菜禮先師

也菜蘋蘩之屬春使之學秋頒其才藝所為合舞者等

其進退使應節奏合聲者等其曲折使應節奏也

賈公彥曰頒分也分其才藝高下

呂與叔曰釋菜之禮禮之至簡者也皆不在多品貴其

誠也其用有三每歲春合舞則行之月令云仲春命樂

正合舞舍采也始立學則行之文王世子云既受器用

幣然後舍菜是也始入學則行之學記云始教皮弁祭

菜示敬道也

禮記王制天子將出征類乎上帝宜乎社造乎禰禡於所
 征之地受命於祖告廟也成於學定兵謀也出兵執有罪反釋
 奠於學以訊馘告

陳祥道曰訊者問其首馘者截其耳釋奠於學而告之
 者以學者文德之地也

月令仲春之月上丁命樂正習舞釋菜天子乃帥三公九
 卿諸侯大夫親往視之仲丁又命樂正入學習樂

孔穎達曰此仲春習舞則大胥春入學舍菜合舞一也
 據人所學謂之習舞節奏齊同謂之合舞按大胥秋頒
 學合聲周禮也月令仲秋無合聲者殷法也故不同

陳澔曰仲春上旬必用丁者以先庚三日後甲三日也
 習舞釋菜謂將教習舞者則先以釋菜之禮告先師也
 陳祥道曰釋奠日用上丁者丁象火也火象文教宣明
 曲禮曰內事以柔日故取陰火也

文王世子凡學春官釋奠於其先師秋冬亦如之

鄭康成曰官謂禮樂詩書之官周禮曰凡有道者有德
 者使教焉死則以為樂祖祭於瞽宗此之謂先師若漢
 禮有高堂生樂有制氏詩有毛公書有伏生可以為之
 也不言夏夏從春可知也

陳澔曰釋奠者但奠置所祭之物而已無尸無飲食酬

聖門禮樂統 雜錄 九 藏板
酢等事主於行禮非報功也

凡始立學者必釋奠於先聖先師及行事必以幣

孔穎達曰諸侯始立學釋奠先聖先師天子亦然

陳澔曰諸侯初受封天子命之教於是立學所謂始立學也立學事重故釋奠於先聖先師四時之教常事耳故惟釋奠於先師而不及先聖也行事謂始立學而行釋奠之事必以幣必奠幣為禮也

劉執中曰周有天下立四代之學虞庠則以舜為先聖夏學則以禹為先聖殷學則以湯為先聖東膠則以文王為先聖各取當時左右四聖成其德業者為之先師

配享焉此天子立學之法也

凡釋奠者必有合也

鄭氏曰與鄰國合奠朱子曰合樂

有國故

鄭氏曰本國故有先

聖先師朱子曰國有凶喪之故

則否凡大合樂必遂養老

鄭康成曰國無先聖先師則所釋奠者當與鄰國合有國故則否謂若唐虞有夔龍伯夷周有周公魯有孔子各自奠之不合也大合樂謂春入學舍采合舞秋頒學合聲時則天子視學焉遂養老者謂用其明日也陳澔曰凡行釋奠之禮必有合樂之事若國有凶喪之故則雖釋奠不合樂也常事合樂不行養老之禮惟大合樂之時人君視學必養老也

始立學者既興作器句用幣句然後釋菜不舞不授器乃

退饋于東序一獻無介副語可也先時不語禮尚嚴也教世子

陳澔曰立法之初未有禮樂之器及其制作之成塗釁

既畢即用幣於先聖先師以告此器之成繼又釋菜以

告此器之將用也凡祭祀用樂舞者則授舞者以所執

之器如干戚羽籥之類今此釋菜禮輕既不用舞故不

授舞器也諸侯有功德者亦得立異代之學東序夏制

也與虞庠相對東序在東虞庠在西今釋菜于虞庠既

畢事乃從而退饋禮其賓于東序之中其禮既殺惟行

一獻無介與語亦可也此以上雖不專是教胄子之事

然以教世子為主故以此句總結上文

熊禾曰釋奠有六始立學釋奠一也合四時釋奠五也

王制師還釋奠於學六也釋菜有三春入學釋菜合舞

一也此釁器釋菜二也學記皮弁祭菜三也秋頒學合

聲無釋菜之文則不釋菜也釋幣惟一即此釁器用幣

是也

天子視學大昕鼓徵所以警眾也眾至然後天子至乃命

有司行事興秩節祭先聖先師焉有司率事反命

陳澔曰天子視學之日初明之時學中擊鼓以徵召學

士蓋警動眾聽使早至也凡物以初為大末為小故以

大昕爲初明也有司教詩書禮樂之官也興舉秩常節禮也卒事反命謂釋奠事畢復命于天子也始之養也適東序釋奠於先老

陳澔曰天子視學在虞庠之中事畢反明日乃之東序行養老之禮始謂始立學先老先世之三老也

學記大學始教皮弁祭菜示敬道也

吳澂曰古者始入學必釋菜于先聖先師故大學始初之教有司先服皮弁行釋菜禮蓋示學者以敬先聖先師之道也常服元冠今加服皮弁芹藻之菜簡質而潔皆示敬也

祭法夫聖王之制祭祀也法施於民則祀之以死勤事則祀之以勞定國則祀之能禦大災則祀之能捍大患則祀之

孔穎達曰法施於民若神農后土帝嚳與堯高及黃帝顓頊之屬以死勤事舜及鯀冥是也以勞定國禹也禦大災捍大患湯及文武是也

陳祥道曰法施于民民功曰庸也以死勤事以勞定國事功曰勞也禦天之大菑捍人之大患治功曰力也

張朝瑞曰按新唐書曰祀典法施于人則祀之如仲尼祖述堯舜憲章文武刪詩書定禮樂修春秋使君君臣


臣父父子子皆宗之法施于人矣以此推之師儒以道
淑人應法施於人之義故凡有功于道學之儒皆與從
祀之列焉

祭義祀先賢於西學所以教諸侯之德也

孔穎達曰以先賢有德故祀之令諸侯尊敬有德故云
教諸侯之德

陳澧曰西學西郊之學周之小學也王制云虞庠在國
之西郊是也

歷代聖賢道統之圖



至聖世系之圖

微子啓 帝 季

微仲衍 微子之弟受禪 公位 — 宋公稽 衍 子 — 丁公申 稽 子 — 湣公共

弗父何 共 子 — 宋公周 何 子 — 世子勝 周 子 — 正考父

孔父嘉 考父 子 — 才金父 嘉子 魯因家焉 — 祈父夸畢 木金父子始以孔為氏

防叔 祈父 子 — 伯夏 防叔 子 — 叔梁紇 伯夏子自微子至叔梁大夫凡十四世是生孔子

孔子 自孔子至今衍聖公 毓圻九六十七代

諸儒五經易

商瞿 孔子以易 傳商瞿是 為易祖

馯臂子弓

橋子庸疵

周子家豎

光子乘羽

漢田何 字子莊 杜陵人史遷曰杜田生

項生 魯人

卜寬 大梁人景帝時為梁 孝王將作 易說三萬 言

周王孫 洛陽人著 易古義號 周氏傳

主同 東武 人

楊何 菑川 人

田王孫 碭人

施讎 沛人宣帝 時為博士 校書吳祿 閣

孟喜 東海蘭陵 人父孟卿 以禮授后 蒼春秋授 疏廣

彭宣 淮陽人 仕至大 司空

戴崇 字子平 沛人仕 至少府 卿

魯伯 瑯琊人 為會稽 太守

張禹 字子文 河內軹 人仕至 大司空 封安昌 侯謚曰 節

邴丹

曼容

學源流之圖

焦延壽 梁人字 王為郡 史察舉 補小黃 門令

梁丘賀 瑯琊諸 人宣帝 朝仕至 大中大 夫給事 中遷少 府

京房 字君明東 郡頓丘人 以孝廉為 郎元帝時 魏郡太守 著京氏易 筮解

臨 賀子亦 府 官至少

王駿 王吉子 瑯琊人 數獲黃漢 官郎中

范升 東漢建武 中博士從 孟氏授學

孫期 魯人 司徒 辟為 黃琬 博士 不就

楊政

費直 東萊人 治易為 時從賀學 而遠師丁 氏

高相 沛人與費同 時由是易有 高費二氏學

陳元 陳留 人

鄭眾 字仲師 開封人

鄭鉉 字康成 作易注

馬融 字季長 扶風人 作易傳

荀爽 字慈明 作易傳

諸儒五經書

伏生 名勝字 子賤濟 南人

鼂錯 漢孝文時 為太常奉 詔受伏生 書二十九 篇

張生 濟南人 從 伏生學時 為博士

孔安國 字子國孔 子十一世 孫臨淮太 守

高 世曾 孫 地餘 中庶子元 帝時遷得 中官至少 府

周霸 魯人膠 西內史 以治尚 書為博 士至

都尉朝 失其 姓

賈嘉 雒陽人 大中大 夫

庸生 膠東 人 更始朝 為原武 令光武 即位遷 河南尹 徵為大 司徒

曹曾 濟陰 人位 議大 夫

歐陽和 千乘 兒寬 內史 大夫

夏侯都尉 始昌 都尉 族子 武帝 博士

勝 字長公始昌族子 宣帝時受詔撰尚 書論說官至長信 少府遷太子太傅 年九十餘卒賜葬 平陵太后后賜錢 二百萬制服五日 以報師傅之恩

建 勝從子字 長卿師勝 及歐陽高 以明經為 議郎博士 至太子少 傅

桓榮 字春卿 沛國人 明帝尊 以為王 老五更

聖月豐樂充

圖考

三

學源流之圖

周堪 字少卿元
帝時為光祿少卿傳勝之學

孔霸 孔子十三世孫襲侯與堪同事夏侯氏

牟卿 尚書博士

牟融 北海人習大夏侯學

孔光 字子夏霸子位至丞相治尚書由是大夏侯有孔氏學

唐林 商號之為德行王莽時為九卿

吳章 號為言語博士

王吉 號為政事與林同官

快欽 號為文學為博士徒眾更盛于師

張山拊 平陵人少夏侯為博士論經少府

王良 東海人習少夏侯學

李尋 治尚書精洪範災異及天文月令陰陽哀帝時待詔黃門

杜林 扶風人傳古文尚書位大司空

鄭寬中 以博士授太子尚書成帝時賜爵關內侯

馬融 作書傳

賈逵 作書訓

鄭鉉 作注解

諸儒五經魯詩

浮丘伯 齊人為楚元王傳

申公 魯人名培楚太子戊傅武帝初即位使使迎至時年八十餘授大中大夫辭

韋孟 彭城人徙家于鄒始為元王傅再傳夷王及孫王戊不道遂去

薛廣德 字長卿沛郡相人以為詩帝門教授歷官至長信少府

關門慶忌 徐人五經安國皆傳後不復贅

孔安國 膠西內史

周霸 膠西內史

瑕丘江公 武帝博士

王臧 帝為太子少傅武帝初為御史大夫

徐偃 膠西中尉

趙綰 代人武帝時御史大夫

許生 魯人

韋賢 孟五世孫號鄒魯大儒歷事武昭宣三帝以詩教授位至丞相封扶陽侯年八十二薨謚節侯

王式 東平人式為昌邑王師嘗以三百五篇諫後王敗得減死尋召拜博士固辭許之

方山 賢長子為高寢令早卒

弘 賢次子仕至東海太守

舜 賢三子留魯守墳墓

鉉成 賢少子字少翁以明經累遷太子太傅元帝即位代于定國為丞相當世以為榮建昭三年薨謚曰共侯

唐長賓 東平博士弟

褚少孫 沛人博士弟子自是魯詩有唐褚氏之學

張長安 代人張游卿

許晏

王挾

齊詩二源流圖

轅固
齊人景帝時以治詩為博士拜清河太守武帝初以賢良徵至年已九十餘矣公孫弘每及目事之

后蒼
東海人學受詩固

翼奉
字少君治齊詩與蕭望之匡衡同師元帝時為中郎博士諫議大夫

匡衡
字稚圭東海承人深明經術元帝時為太子少傅累遷光祿勳御史大夫建昭三年代韋元成為丞相封樂安侯

蕭望之
字長倩東海人宣帝時太子太傅御史大夫領前將軍以詩學顯

平晏
當子以明經歷位大司徒封防鄉侯漢興唯韋平父子以儒學至丞相封侯

平當
字子思平陵人元帝時以博士為騎都尉領河堤哀帝即位拜光祿勳為丞相封關內侯

滿昌
鄉人

師丹
宣帝時丞相匡衡弟子明經治詩由是齊詩有匡翼師三氏學

張邯
張邯

伏理
濟南人伏生之後從望之受齊詩學

諸儒五經韓詩

韓嬰
燕人孝文帝時至常山太傅推詩人之意作內外傳數萬言

賁生
淮南人從嬰受詩學

趙子
河內人與賁同受韓詩

韓商
嬰孫傳昭帝時博士

涿郡韓生
商之孫受先太傅易并帝徵待詔殿中

蓋寬饒
受詩韓生受易孟喜宣帝時司隸校尉

蔡誼
亦河內人仕至丞相

主吉
字子陽琅玕人為昌邑王中尉後為御史大夫

食子公
軹人

長孫順

長福

張就

皇明禮樂元 圖文 五 萬松廿

毛詩二學源流圖

毛公

初上夏以詩傳申公
申傳毛亨
亨傳毛公
公趙人受
亨之學明
經治詩為
河間獻生
博士

孔安國

時為
大夫

主璜

王莽時
國學博士

塗暉

師事璜
同為博士

桑欽

新莽時
左諫議大夫

鄭鉉

作毛詩箋

中興後鄭眾

傳毛詩

賈逵

疏毛詩
末馬融

作毛詩傳

賈長卿

解延年
徐敷

謝曼卿

九江郡人
作毛詩訓

陳俠

為王莽
講學大夫

衛宏

字敬仲東海人初從大司空杜林受古文尚書作訓旨光武以為議郎作漢舊儀篇卒傳詩學

諸儒五經春秋左氏

左氏

因魯史
作春秋
內外傳

鐸椒

期弟

吳起

起授
子期

魯申生

虞卿

作抄
撮九卷

荀况

著荀
子三
十篇

賈誼

洛陽人
為梁太
傅作左
氏傳訓

賈公

趙人為
河間獻
王博士

賈長卿

賈公
子

張禹

字子
文清
河人
御史
大夫

張敞

未親受
業况時
修左氏
春秋宗
況之學
為京兆
尹

尹更始

左氏傳
至更始
而傳始
盛

劉歆

字子駿
向子
哀帝時
為國師
表六經
立學
歆之功
居多焉

賈徽

徽之子
作左氏
條例二十篇

張蒼

漢興功
臣時定
章程封
北平侯

翟方進

宣帝時
為廷尉
進至
丞相

鄭眾

武威太守
進大司
農詔作
春秋刪
十九篇

賈護

黎陽人

陳欽

蒼悟人子
佚以左
氏授玉
莽至將軍


杜預

字元凱
以功封
當文作
春秋經傳
大集解


公羊二氏學源流圖



諸儒五經春秋穀梁學源流圖



諸儒五經三禮學源流圖



聖門禮樂統卷之一

陽穀 劉 琰 閱正 江浦後學張行言纂輯

祀典通攷一

魯

魯哀公十六年誅孔子曰天不慙遺耆老莫相予位焉嗚

呼哀哉尼父 檀弓 左傳

鄭康成曰尼父者因其字以為之謚也

丘瓊山曰此後世追謚孔子之始蓋孔子儒教之宗師

所謂為天地立心為生民立命為往聖繼絕學為萬世

開太平者也自哀公誅之之後後世帝王屢加褒崇尊其人所以尊其道也

哀公十七年仍舊宅立廟守塋廟以百戶

闕里志

宋仁宗慶曆中梁適知兗州乞以廂兵代廟戶又裁減人數方是時宰相章得象欲如其請參知政事范仲淹獨曰此事與尋常利害不同自是朝廷崇奉聖師美事仁義可息則人數可減吾輩雖行他人必復之論遂已按此給戶守衛之始據闕里志孔塋在廟東北三里許守塋廟戶歷代增減不常至宋例給灑掃五十戶看林五戶顏孟廟亦各給二十五戶

魯世世相傳以歲時奉祠孔子冢

史記

漢

高帝十二年上過魯以太牢祠孔子

前漢書

尹起莘曰自堯舜禹湯文武既沒天生孔子爲萬世仁義禮樂之宗主生民之類不至糜爛絕滅者吾聖道扶持之功用也自秦燔詩書坑學士其禍至於陳項極矣漢高之興過魯首祠孔子見天理之在人心自有不可得而泯沒者漢氏四百年基業其精神命脉蓋在於此丘瓊山曰此漢以來祀孔子之始

封孔子九代孫騰為奉祀君

闕里志

謹按此聖裔蔭封之始又按高帝元年上過魯賜孔

聚爵蓼侯傅子臧孫琳曾孫黃俱侯爵後坐事廢疑

廢封又不始此

史記

詔諸侯王卿相至郡先廟謁而後從政

張海州曰此謁廟蒞政之始至宋寧宗嘉泰中詔武臣

一體廟謁金熙宗天德中敕職官到任先詣宣聖廟拜

奠方詣以次神廟著為令

闕里志

武帝元朔二年拜孔臧為太常恩賜如三公禮

元帝初元元年孔子十三代孫霸以帝師錫爵關內侯食

邑八百戶號褒成君徙名數

戶籍也

於長安霸上書求奉孔

子祭祀元帝下詔曰其令師褒成君關內侯霸以所食邑

八百戶祀孔子焉故霸還長子福名數于魯奉孔子祀

漢書

丘瓊山曰後世封孔子子孫俾奉其祀者始此

張海州曰按闕里志高帝封孔子九代孫騰為奉祀君

後為惠帝博士遷長沙太守其後十代忠由博士為褒

成侯十一代武由博士為臨淮太守十二代延年由博

士為大將軍是知當時雖以聖裔寵異之猶未襲封也

至十三代霸由博士為關內侯元帝詔令以所食邑祀

孔子後十四代福十五代房俱嗣侯是時已襲封矣然

從舊稱關內侯猶為帝師霸而封也至平帝時追謚孔子曰褒成宣尼公改封孫均為褒成侯始專為先師孔子而封矣自是推恩聖嗣世世不絕嗚呼盛哉

成帝綏和元年詔封殷後以孔子十五世孫吉適子

顏師古曰

適讀曰嫡孔吉之嫡子也

何齊為殷紹嘉侯

前漢書

張朝瑞曰按元帝時使諸大夫博士分求殷後散為十餘姓郡國往往得其大家推求子孫絕不能紀時匡衡議以為王者存二王後所以尊其先王而通三統也其犯誅絕之罪者絕而更封他親為始封君上承其王者之始祖春秋之義諸侯不能守其社稷者絕今宋國已

不守其統而失國矣則宜更立殷後為始封君而上承湯統非當繼宋之絕侯也宜明得殷後而已今之故宋推求其嫡遠不可得雖得其人嫡之先已絕不當得立禮記孔子曰丘殷人也先師所共傳宜以孔子世為湯後上以其語不經遂見寢至成帝時梅福復言宜封孔子後以奉湯祀綏和元年詔曰蓋聞王者必存二王之後所以通三統也昔成湯受命列為三代而祭祀廢缺考求其後莫正孔吉其封吉為殷紹嘉侯是故西漢時孔氏之裔侯者二人紹嘉侯奉殷後也褒成侯奉孔子後也紹嘉侯孔吉者鮒之六代孫孔子之十四代孫也

封于成帝綏和元年二月食邑千六百七十戶後六月
 進爵為公地方百里哀帝建平二年益戶九百三十平
 帝元始四年更為宋公光武建武五年復為紹嘉公十
 三年復為宋公以為漢賓位在三公上吉生何齊何齊
 生安皆襲封後嗣絕褒成侯孔均者鮒弟騰之八代孫
 孔子之十六代孫也封于平帝元始元年襲封至今不
 絕詳見後第六卷宗子世表
 平帝元始元年六月追謚孔子曰褒成宣尼公改封十六
 代孫均為褒成侯食邑二千戶前漢書 闕里志

成帝時梅福上書曰仲尼之廟不出闕里孔氏子孫不

免編戶以聖人而歆匹夫之祀非皇天之意也今陛下
 誠能據仲尼之素功以封其子孫則國家必獲其福又
 陛下之名與天亡極何者以聖人素功封其子孫未有
 法也後世必以為則不滅之名可不勉哉

丘濬曰此後世尊崇孔子之始亦孔子謚宣之始

東漢

光武建武五年帝過魯使大司空祠孔子

後漢書

建武十四年復孔子十七代孫志為褒成侯

後漢書 闕里志

後漢儒林傳曰初平帝時王莽秉政乃封孔子後孔均

為褒成侯及王莽敗失爵世祖乃復封均子志

明帝永平二年上躬養三老五更於辟雍郡國道州縣邑

行鄉飲酒禮於學校皆祀聖師周公孔子後漢書

謹按大學衍義補云漢以後有太學始于武帝郡縣有學始於北魏獻文帝是則漢明帝時若無所謂郡道縣學校也及觀文獻通考云漢至武帝令天下郡國皆立學校官蓋是時郡國學校雖未設而官已具矣

永平十五年帝東巡至魯詣孔子宅祠仲尼及七十二弟子親御講堂命皇太子諸王說經綱目 文獻通考

尹起莘曰天佑下民作之君師職治職教相與竝行固不可舉一而廢一也至魯之行前史皆曰幸孔子宅此固習俗之常談也至綱目修之始以詣孔子宅為文蓋謂孔子萬世仁義禮樂之宗主其故居宮室豈可以臨幸之禮加之哉故表而出之見聖人不與眾人等耳按此後世祀孔子弟子之始謹列弟子姓名於後孔子家語七十二弟子次序

顏回 閔損 冉耕 冉雍 宰予

端木賜 冉求 仲由 言偃 卜商

顓孫師 曾參 澹臺滅明 高柴 宓不齊

樊須

有若

公西赤

原憲

公冶長

南宮縚

公皙哀

曾點

顏絲

商瞿

漆雕開

公良儒

秦商

顏刻

司馬黎耕

巫馬期

梁鱣

琴牢

冉儒

顏辛

伯虔

公孫寵

曹卹

陳亢

叔仲會

秦祖

奚蒧

公祖茲

廉潔

公西輿

宰父黑

公西蒧

穰駟赤

冉季

薛邦

石處

懸亶

左郢

狄黑

商澤

任不齊

漆雕從

燕級

公夏守

句井疆

步叔棗

石子蜀

邽選

施之常

申績

樂欣

顏之僕

孔弗

漆雕哆

懸成

顏相

右魏司馬王肅本

史記仲尼弟子列傳次序

顏回

閔損

冉耕

冉雍

宰子

仲由

冉求

端木賜

言偃

卜商

顓孫師

曾參

澹臺滅明

宓不齊

原憲

公冶長

南宮适

公皙哀

曾蒧

顏無繇

商瞿

高柴

漆雕開

公伯寮

司馬耕

樊須

有若

公西赤

巫馬期

梁鱣

顏辛

冉孺

曹卹

伯虔

公孫龍

已右三十五人頗有年名及受業聞見於書傳其四
十有二人無年及不見書傳者紀于左

冉季

公祖句茲

秦祖

漆雕哆

顏高

漆雕徒父

壤駟赤

商澤

石作蜀

任不齊

公良孺

后處

秦冉

公夏首

奚容蒧

公堅定

顏祖

鄒單

句井疆

罕父黑

秦商

申黨

顏之僕

榮祈

縣成

左人郢

燕伋

鄭國

秦非

施之常

顏噲

步叔乘

原亢籍

樂欬

廉潔

叔仲會

顏何

狄黑

邽巽

孔忠

公西輿如

公西蒧

文翁石室圖七十二弟子次序

顏回

閔損

冉耕

冉雍

宰予

端木賜

冉求

仲由

言偃

卜商

顓孫師

曾點

曾參

澹臺滅明

高柴

宓不齊

樊須

有若

公西赤

原憲

公冶長

南宮縚

公皙哀

顏由

商瞿

漆雕開

公良儒

秦商

顏刻

司馬耕

巫馬期

梁鱣

琴牢

冉孺

顏辛

伯虔

公孫龍

曹卹

陳亢

叔仲會

秦祖	奚葳	公祖茲	廉潔	蘧瑗
宰父黑	公西葳	衰駟赤	冉季	石處
左郢	狄黑	商澤	任不齊	榮旂
顏噲	秦冉	秦非	漆雕從	燕伋
林放	申黨	步叔褒	石子蜀	施之常
鄭國	樂欣	顏之僕	孔忠	漆雕多
容葳	顏相			

右宋金仁山氏所錄

謹按宋馬端臨曰孔子弟子史記家語所載皆七十
七人魏王肅本自顏回至顏祖才七十六人缺一人

不合前數及觀史記弟子列傳有顏何字冉索隱証
之曰家語字稱則知顏何原載家語而肅本缺之耳
又按史記弟子列傳載顏淵及公孫子石顯有年名
及受業聞見于書傳者三十五人而公伯寮與焉其
無年有名不見于書傳者冉季至公西葳四十二人
共七十七人蓋孔子所謂受業身通六藝者七十有
七人皆異能之士是也

小司馬亦謂家語數同今按家語止得七十五人中
間姓名亦復差異史記內無琴牢陳亢懸亶三人而
別有公伯寮秦冉鄒單三人當其數文翁石室圖七

十二人比家語少公西與懸亶原亢公肩定公夏首
句井疆邾巽顏何八人而別有蘧瑗林放秦冉三人
且家語所載奚蒧史記曰奚容蒧而石室圖則第四
十二有曰奚蒧第七十一又曰容蒧似乎一人而分
載矣子由古史又錄七十九人蘇子云孔子高弟七
十七人今以太史公及家語攷之皆同獨秦冉顏何
不載于家語而陳亢琴牢又見于論語故并錄之凡
七十九人

又北齊顏之推家訓稱仲尼門徒升堂者七十二人
顏氏居八唐顏真卿自敘家譜稱孔門達者七十有

二顏氏居八八人之中顏何與焉之推真卿俱顏氏
裔孫必各有據今當以顏何足七十七人之數而嘉
靖中更置祀典必以臆見罷去顏何何也

又按杜祐通典載開元贈典及金仁山錄圖自史記
七十七人外有蘧瑗林放陳亢申枏琴牢琴張六人
宋祥符大觀中加封從祀除去琴牢餘並因之

又按懸豐家語作懸亶字子象史記乃作鄒單石室
并無二名家語薛邦字子徒申績字子周與史記載
鄭國申黨同字此則邦卽國也績卽黨也琴牢琴張
自是一人而傳之者誤耳論語釋文申枏弟子姓名

鄭氏乃云申續卽續字之誤也文翁圖有申棖史記
 曰申黨是以黨爲棖也後漢王政云有羔羊之潔無
 申棠之欲是以棖爲棠也則黨固爲棠而棠又爲棖
 與二申猶二琴今一人而二祀薛邦卽鄭國乃竝祀
 而岐名不已續乎至嘉靖初職方何孟春始上疏條
 列其事云

章帝元和二年帝過魯幸闕里

卽仲尼故宅在魯城中

祠孔子作六

代之樂帝升廟西面羣臣中庭北面皆再拜帝進爵而後
 坐大會孔氏男子六十三人命儒者講論語帝謂孔僖曰
 今日之會於卿宗有光榮乎對曰臣聞明王聖主莫不尊

師貴道今陛下親屈萬乘辱臨敝里此乃尊禮先師增輝
 聖德至于光榮非所敢承帝笑曰非聖者子孫焉有斯言
 乎遂拜僖郎中賜褒成侯損十八代孫及孔氏男女錢帛有差

杜氏通典

文獻通考

張朝瑞曰周禮大司樂掌成均之法以六律

黃鐘太簇姑洗蕤賓

夸則六同

大呂夾鐘中呂林鐘南呂夾鐘

五聲

宮商角徵羽

八音

匏土革木金石絲竹

六舞

六代樂舞黃帝之雲門帝堯之咸池帝舜之大磬神禹之大夏成湯之大濩武王之武大武是也

大合樂

註

成均之教律呂聲音更唱迭和而又徧習六

代之樂所謂大合樂也據此則漢所作六代樂亦當如
 此而祭日不宜徧舞六代樂之議自梁武帝始發之

和帝永元四年改封孔子為褒尊侯及十八代孫為褒亭侯
闕里志

安帝延光三年帝幸泰山祀于闕里自魯相令丞尉及孔氏親屬婦女悉會賜帛有差
後漢書

桓帝元嘉二年詔孔子廟置百戶卒史一人掌領禮器春秋享禮出王家錢給大酒直河南尹給牛羊豕各一大司

農給米

闕里志

以孔子十八代孫澍為魯從事

終漢世十有一人

闕里志

按此漢以來孔子子孫官於鄉之始至唐明皇開元十三年詔每代賜一子官宋世擇一人為曲阜知縣

英宗治平中言者乞慎重長民之官詔孔子子孫勿知縣事後承襲如故有明因之至神宗朝令三年入覲黜陟一如流官蓋歷代尊崇先聖既襲封宗子以奉祭祀復世擇賢裔而官之所以昭盛德之有後而示無窮之報也盛矣哉

靈帝建寧二年詔祀孔子依社稷出王家穀春秋行禮給守塋廟百戶
闕里志

光和元年始置鴻都門學畫先聖及七十二弟像

闕里志

三國

魏文帝黃初二年復以孔子二十一代孫羨襲封改稱宗
聖侯
後漢傳曰褒亭侯至
獻帝初國絕魏復封
 以居學者
三國志 闕里志
 令魯修舊廟又於外廣為屋宇

詔曰昔仲尼負大聖之才懷帝王之德當衰周之末而
 無受命之運在魯衛之朝教化乎洙泗之上於時王公
 終莫能用之乃退攷五代之禮脩素王之事因魯史而
 制春秋就太師而正雅頌俾千載之後莫不宗其文以
 述作仰其聖以謀咨可謂命世大聖億載之師表者也
 遭天下大亂百祀墮壞舊居之廟毀而不脩衰成之後
 絕而弗繼闕里不聞絃誦之聲四時不睹蒸嘗之位斯

豈所謂崇禮報功盛德必百世祀者哉其以議郎孔羨
 為宗聖侯邑百戶奉孔子祀令魯郡修起舊廟置百戶
 卒史以守衛之又於其外廣為屋宇以居學者

魏齊王正始二年帝講論語通五年講尚書通七年講禮

記通並使太常釋奠以太牢祠孔子於辟雍以顏淵配

晉書

丘瓊山曰漢以來釋奠之禮始見於此前此祀孔子者
 皆于闕里至是始行于太學

按顏子配始見於此陋巷志稱漢高祖過魯之年祠
 孔子即以顏淵配似別有據

晉

武帝太始三年改封孔子二十三代孫震為奉聖亭侯詔
大學及魯國四時備三牲以祀孔子

晉書 通典

秦始七年皇太子講經親釋奠於太學

太子進爵於先師
中庶子進爵於顏

子 通考 通典

丘瓊山曰此太子釋奠之始

東晉

元帝大興二年皇太子親釋奠於太學

晉史

明帝太寧三年詔奉聖亭侯孔嶷四時祀孔子如太始故

事

闕里志

成帝咸康元年上親講經行釋奠禮於辟雍

通鑑

穆帝升平元年上講經詔以中堂權立太學行釋奠禮

晉史

孝武帝寧康三年上講經行釋奠禮以太學在水南懸遠

有司請依穆帝故事權以中堂為之禮畢會百官六品以

上 通典 通考

文獻通考云如蔡邕明堂之說則古者明堂辟雍太學

太廟合為一所以朝以祀以教以饗以射皆於其地東

漢時辟雍以為天子養老大射行禮之所太學以為博

士弟子授業之所析為二處與古始異要之太學與辟

聖門禮樂統 卷一 藏板

聖門禮樂統 卷一 祀典 萬松書院

禮記卷一 藏板
靡固不可析爲二處養老大射其與傳道授業亦豈有
二事哉

張朝瑞曰惟漢析爲二處晉因之故穆武有中堂權立
太學釋奠之說云

南北朝

北魏太武帝始光三年起太學於城東祀孔子以顏淵配

魏書

按此得禮始立學釋奠先聖先師之意

北魏太平真君十一年車駕南伐至鄒山以太牢祀先聖

孔子

魏書

南宋文帝元嘉三年詔十八代孫孔鮒爲百戶主掌禮器

宋書

元嘉二十二年太子釋奠採晉故事裴松之議應舞八佾
宜設軒懸之樂牲牢器幣悉依上公祭畢帝親臨學宴會
太子以下悉在

宋書

通考

丘瓊山曰釋奠主六佾軒懸之樂始此

謹按馬端臨曰宮架天子之制四面皆懸鐘磬備六
律六呂如宮室之有墻故謂之宮架諸侯之制三面
缺其一如軒車之有籓故謂之軒架縣去中呂蕤賓

林鐘判架只東西兩面而已南北皆缺又去黃鐘大呂應鐘也據此軒架即軒縣杜佑曰宮縣之舞八佾軒縣之舞六佾縣舞數實相因故軒懸為諸侯樂也

北魏顯祖皇興二年遣中書令高允以太牢祀孔子

綱目

南宋孝武帝孝建元年詔建仲尼廟同諸侯之禮

宋書

北魏獻文帝天安元年詔立鄉學郡置博士二人助教二

人學生六十人

通典

北魏獻文帝皇興三年詔賜孔氏四人官

闕里志

北魏孝文帝延興二年詔孔子廟有婦女合雜巫覡淫祀

者禁之

魏書

孝文帝延興三年封孔子二十七葉孫乘為崇聖大夫

闕里志

南齊武帝永明三年有司奏宋元嘉舊事學生到先釋奠先聖先師禮又有釋菜未詳今當行何禮用何樂及何禮器時從喻希議用元嘉故事

通典

通典註云尚書令王儉議周禮春入學釋菜合舞記云始教皮弁祭菜示敬道也又云始入學必釋奠先聖先師中朝以來釋菜禮廢金石俎豆皆無明文方之七廟則輕比之五祀則重陸納車涓謂宣尼廟宜依亭侯之爵范甯欲依周公之廟用王者儀范宣謂當其為師則

不臣之釋奠日宜備帝王禮樂此則車陸失於過輕二
范傷於太重喻希云皇朝屈尊弘教待以師資引同上
公卽事惟允元嘉裴松之議故事可依也

孝文帝太和十六年詔宣尼廟別勅有司饗薦之禮

魏書

詔畧曰法施於民祀有明典立功垂惠祭有恒式帝堯
可祀于平陽虞舜可祀于廣甯夏禹可祀於安邑周公
可祀于維陽其宣尼之廟已于中省當別勅有司饗薦
之禮自周公以上可令當界牧守各隨所近攝行祀事
丘瓊山曰有司饗薦始于此

是年北魏改謚孔子爲文聖尼父

魏書

魏志曰帝臨宣文堂引儀曹尚書劉昶鴻臚卿游明根
行儀曹事李韶授策孔子崇文聖之謚於是昶等就廟
行事既而帝齋中書省親拜祭於廟

按前詔云宣尼之廟已於中省此云齋於省祭於廟
則知魏中書省又有宣尼廟至明嘉靖於文華殿奉
先師孔子與先聖伏羲神農黃帝堯舜禹湯文武周
公竝祀伏羲至武王南向左周公西向右孔子東向
凡歲春秋開講先期一日帝皮弁服拜跪行釋奠禮
用羹酒果脯帛崇奉之禮益有加矣

孝文帝太和十九年如魯城祠孔子改封二十八葉孫靈

珍為崇聖侯拜孔氏四人顏氏二人官

按此顏子錄後之始

魏立國子太學四門小學於洛陽

綱目

闕里志

孝文帝太和二十一年賜田以養孔氏子孫

按此給田之始至宋真宗大中祥符元年賜田百頃

哲宗元祐元年增賜田一百頃八年三月奉勅將舊

賜田一百頃均給族人新賜田一百頃撥二十頃廟

學贍生員二十頃充歲時祭祀十頃置殿庭簾幕什

物其五十頃歲收出糶修葺祠宇顏孟二氏元泰定

五年每家撥賜祭田三十頃明代宗景泰六年除清

查原田外各添賜田二十頃

南梁武帝天監四年詔立孔子廟置五經博士立州郡學

綱目

武帝天監八年皇太子釋奠周捨議既惟大禮請依東宮

元會太子著絳紗襪預升殿坐者皆服朱衣帝從之又有

司以為禮云凡為人子者升降不由阼階按今學堂凡有

三階臣謂容若降等則從主人之階今先師在堂義所尊

敬太子宜登阼階以明從師之義若釋奠事訖宴會之時

無復先師之敬太子升堂則宜從西階以明不由阼義吏

部郎徐勉議鄭康成云由命士以上父子異宮宮室既異

無不由阼階之禮請釋奠及宴會太子升堂並宜由東階
若輿駕幸學自然中階 隋書

北齊文宣帝天寶元年改封孔子三十代孫渠為恭聖侯
闕里志

北齊將講於天子先定經于孔父廟講畢釋奠孔父行三

獻禮 隋書

北齊釋奠每歲春秋二仲行禮每月朔制祭酒領博士以

下及國子諸學生以上太學四門博士升堂助教以下太

學諸生階下拜孔聖揖顏子日出行事郡學則於坊內立

孔顏廟博士以下亦每月朝 隋書 通典

丘瓊山曰此後世朔日行禮之始

南梁元帝初在荊州起宣聖廟帝攻書善畫自圖畫聖像

為之贊而書之時人謂之三絕 闕里志

按此贊孔子之始

北後周靜帝大象二年詔追封孔子為鄒國公裔孫襲爵

如之 周書

陳宣帝大建三年皇太子釋奠先師 隋史

陳後主至德三年釋奠先聖于太學 綱鑑

隋

文帝開皇 年贈孔子為先師尼父

闕里志

煬帝大業四年改封孔子三十二代孫嗣哲為紹聖侯

隋書 闕里志

隋制國子寺每歲四仲月上丁釋奠於先聖先師州縣學

隋書 衍義補

則以春秋仲月釋奠

丘瓊山曰州縣學定時以春秋二仲釋奠始此

聖門禮樂統卷之一 終

聖門禮樂統卷之二

陽穀 劉 琰 閱正 江浦後學張行言纂輯

祀典通攷二

唐

高祖武德二年詔國子監學立周公孔子廟各一所

新唐

書 文獻通考

武德七年帝詣國子學釋奠於先聖先師

唐書云以周公為先聖孔子配

綱目

武德九年改封孔子三十三代孫德倫為褒聖侯

闕里志

太宗貞觀元年詔孔氏子孫並免賦役

闕里志

張海州曰此免賦役之始至周顯德遣使均田抑同編

戶宋太平興國中詔特免之朝洪武二年蠲免灑掃

一百戶差役七年令免衍聖公本戶稅糧三十頃餘田

起科族人田土依舊納糧免差元太宗九年顏孟二氏

子孫蠲免稅役洪武元年詔只免大宗差發餘枝不免

貞觀二年左僕射房鉉齡等議武德中詔釋奠於太學以

周公為先聖孔子配享臣以為周公尼父俱稱聖人庠序

置奠本緣孔子故五代及隋皆以孔子為先聖顏回為先

師別祀周公請停周公以孔子為先聖顏回配從之

衍義補

丘瓊山曰至是始定以孔子為先聖顏子為先師

按唐書高宗永徽中復依武德故事顯慶二年乃以

周公配武王而孔顏為先聖先師

貞觀四年詔州縣皆作孔子廟

新唐書

按郡縣學立孔子廟始見於此

貞觀十一年詔尊孔子為宣父命褒聖侯德倫祭服元冕

朝會同三品

新唐書

闕里志

貞觀十四年上釋奠於國子學命祭酒孔穎達講孝經

闕里志

貞觀二十年詔皇太子詣國學釋奠於先聖先師皇太子

為初獻國子祭酒為亞獻司業為終獻初釋奠以博士自為祭主至是中書侍郎褚遂良等奏按禮凡學春官釋奠于先師註謂官詩書禮樂之官也彼謂四時之學將習其道故儒官釋奠各於其師既非國家行禮所以不及先聖至於春秋合樂則天子視學命有司興秩節總祭先聖先師秦漢釋奠無文魏則以太常行事晉宋以學官主祭且國學樂以軒縣尊俎須於官非臣下所可專也請國學釋奠令國子祭酒為初獻祝辭稱皇帝謹遣仍令司業為亞獻博士為終獻其諸州刺史為初獻上佐為亞獻博士為終獻其縣學令為初獻丞為亞獻無博士以主簿為終獻

若闕竝以次差攝州縣獻主既請遣刺史望准給祭社明衣國學令祭以太牢樂用軒縣六佾之舞並登歌一部上丁與大祭祀相遇改用中丁州縣常用上下無樂牲用少

牢

新唐書

衍義補

文獻通考

丘瓊山曰此後世國學遣官釋奠之始前此蓋學官自祭也而州縣以守令主祭亦始于此

貞觀二十一年詔以左丘明卜子夏公羊高穀梁赤伏勝

高堂生戴聖毛萇孔安國劉向鄭眾賈逵杜子春馬融盧

植鄭鉉服虔何休王肅王弼杜預范甯二十二人代用其

書垂於國胄自今有事於太學並令配享尼父廟堂

唐書

丘瓊山曰此後世以先儒配享之始唐太宗詔以諸儒從祀孔子皆有功於聖人之經者也卜子夏毛萇有功於詩左公穀有功於春秋伏勝孔安國有功於尚書高堂生戴聖有功於禮王弼有功於易劉向鄭眾杜子春盧植馬融鄭康成服虔王肅賈逵則通有功於諸經者何休杜預范甯則又有功於三傳者然子夏在十哲之列而此又列之者是時七十二子雖列像廟堂未得享祀惟子夏以有功於詩得在從祀之列

今按司馬遷儒林傳所列有功于經傳者九人後之

議從祀者皆從此訂之

孔

鮒

字甲孔子八世孫秦始皇時抱禮器歸陳王涉為之博士卒與涉俱死有功於禮

申培公

漢武帝時魯人一名陪 韋昭云培音扶尤反師古曰培其名公其字也有功於詩

轅固

師古曰字生漢武帝時齊人有功於詩

韓嬰

漢武帝時人為燕太傅有功於詩

伏生

武帝時人有功于尚書今祀 廟庭詳列傳

高堂生

武帝時人有功于禮今祀 廟庭詳列傳

田生

武帝時菑川人名何字子莊有功于易

胡毋生

武帝時魯北人字子都有功于春秋 小司馬云胡毋覆姓音無

董生

即仲舒也武帝時江都王相有功春秋今祀 廟庭詳列傳

又按班固贊有功於經傳者十有六人後之議祀典者多自此攷之

歐陽氏 名和字伯有功於書

左氏 名丘明有功於春秋今祀 廟庭為諸儒冠詳列傳

后氏 名蒼有功於禮今祀 廟庭詳列傳

楊氏 名何有功於易

公羊氏 名高有功於春秋今祀 廟庭詳列傳

夏侯氏 大夏侯名勝字長公 小夏侯名建字長卿 俱有功於尚書

梁丘氏 名賀有功於易

戴氏 大戴名德 小戴名聖 俱有功於禮

施氏 名讎有功於易

孟氏 名喜有功於易

穀梁氏 名赤有功於春秋今祀 廟庭詳列傳

京氏 名房字君明有功於易

毛氏 名萇有功於詩今祀 廟庭詳列傳

孔氏 名安國有功於尚書詩逸禮古文今祀 廟庭詳列傳

高宗顯慶三年詔仲尼廟樂用宣和之舞國子博士范頴

撰樂章 通考

通典曰周享神諸樂多以夏為名宋以永為名梁以雅為名後周亦以夏為名隋氏因之唐以和為名太宗貞

觀初祖孝孫造十二和樂至開元中又造三和樂共十
 五和樂曰元和初名豫和大曆十四年更此名順和永和肅和雍和壽
 和太和舒和休和昭和祓和正和承和豐和宣和又制
 文武二舞宣和孔父廟奏之

謹按歷代帝王祭祀孔子樂章不相沿襲謹錄二三
 以例其餘而今所用者則有明欽定者也

唐太宗貞觀中釋奠樂章

唐書樂志曰皇太子親奠迎神用祓咳和亦曰宣和皇

太子行用承和登歌奠幣用肅和迎俎用雍和送文舞

出迎武舞入用舒和

武舞用凱安詞同圓丘送神用祓和詞同迎神

祓和

聖道日用神機不測金石以陳絃歌載陟爰釋其菜匪
 馨于稷來顧來享是宗是極

承和

萬國以貞光上嗣三善茂惠表重輪視膳寢門尊要道
 高闢崇賢引正人

肅和

粵惟上聖有縱自天旁周萬物俯應千年舊章允著嘉
 贄孔虔王化茲首儒風是宣

雍和

堂獻瑤篚庭敷瓊縣禮備其容樂和其變肅肅觀享雝
雝執奠明禮惟馨蘋蘩可薦

舒和

隼集龜開昭聖列龍蹲鳳峙肅神儀尊儒敬業宏圖闡
緯武經文盛德施

右攷文章辯體

唐鉉宗開元禮皇太子釋奠孔廟樂

迎神

奏永和之樂以姑洗之均 自後堂下接神之樂皆奏姑洗 文武三成

皇太子行

作永和之樂 每行皆奏之

奠幣登歌

作肅和之樂以南呂之均

迎俎

奏雍和之樂 自後酌獻皆奏之

送文舞出迎武舞入

作舒和之樂

送神

作永和之樂

右攷通典

宋仁宗景祐中祭文宣王廟

迎神凝安

大哉至聖文教之宗紀綱王化丕變民風常祀有秩備
物有容神之格思是仰是崇

初獻升降同安

右文興化憲古師今明祀有典吉日惟丁豐犧在俎雅
奏來庭周旋陟降福祉是膺

奠幣明安

一王垂法千古作程有儀可仰無德而名齋以滌志幣
以達誠禮容合度黍稷非馨

酌獻成安

自天生聖垂範百王恪恭明祀陟降上庠酌彼醇旨薦
此令芳三獻成禮率由舊章

飲福綏安

犧象在前豆籩在列以享以薦旣芳旣潔禮成樂備人
和神悅祭剝受福率遵無越

充國公配位酌獻成安

哲宗朝增此一曲

無疆之祀配侑可宗事舉以類與享其從嘉臬旨酒祭
薦惟恭降此遐福令儀肅雝

送神凝安

肅肅庠序祀事惟明大哉宣父將聖多能歆馨盼饗廻
馭凌兢祭容斯畢百福是膺

右攷傳道錄

明太祖洪武初欽定釋奠文廟樂章 至今遵用譜載樂統

迎神 咸和之曲無舞

大哉孔聖道德尊崇維持王化斯民是宗典祀有常精
純益隆神其來格於昭聖容

奠帛 寧和之曲有舞

自生民來誰底其盛惟師神明度越前聖染帛具成禮
容斯稱黍稷非馨惟神之聽

初獻 安和之曲有舞

大哉聖師寔天生德作樂以崇時祀無斃清酤惟馨嘉
牲孔碩薦修神明庶幾昭格

亞終獻 景和之曲有舞

百王宗師生民物軌瞻之洋洋神其寧止酌彼金罍惟
清且旨登獻于三於嘻成禮

徹饌 咸和之曲舞

犧象在前豆籩在列以享以薦既芬既潔禮成樂備人
和神悅祭則受福率遵無越

送神 咸和之曲無舞

有嚴學宮四方來宗恪恭祀事威儀雍雍歆格惟馨神
馭還復明禋斯畢咸膺百福

望瘞 曲同送神無舞

右攷大明會典

乾封元年車駕過曲阜祀孔子贈太師 新唐書 綱鑑

總章元年贈顏回太子少師曾參太子少保並配享孔子 通考

丘瓊山曰此後世追贈孔門弟子之始而以曾參配享亦始如此

張海州曰按文獻通考高宗總章元年新唐書睿宗太

極元年俱稱顏子曾子配享則曾子已配孔子矣而鉉宗開元八年李元瓘又以曾子不預配享為請二十七年孔子正南面獨以顏子配而曾子不與焉至宋度宗咸淳三年始以曾子子思竝顏子孟子配享其舉其廢不可詳考姑記於此

○周武氏天授元年封孔子為隆道公 新唐書

睿宗太極元年加贈顏子太子太師曾子太子太保皆配享 新唐書

鉉宗開元七年皇太子齒胄於學謁先聖詔三獻皆用胄子 新唐書

謹按太子入學齒胄注齒以年相序也胄裔也文王世子行一物而三善皆得者唯世子而已其齒於學之謂也陳氏註世子與同學之人讓齒也

鉉宗開元八年司業李元瓘言孔宣父廟顏子配其像立侍准禮授坐不立授立不跽讀據禮文合從坐侍又四科弟子閔子騫等雖列像廟堂不預享祀而范甯等皆霑從祀請列享在二十二賢之上七十子者文翁之壁尚不闕如豈有國庠遂無圖繪請圖形於壁兼爲立贊曾參以孝受經于夫子請享之如二十二賢乃詔顏子等十哲爲坐像悉預祀曾子特爲塲像坐十哲之次圖七十子及二十

二賢於廟壁上以顏子亞聖親爲製贊書於石閔損以下令在朝文士分爲之贊題其壁

通典 通考 唐書

馬端臨曰自禮記釋奠於先聖先師之說鄭康成釋先師以爲如禮有高堂生樂有制氏詩有毛公書有伏生之類自是後儒言釋奠者本禮記先師者本鄭氏唐貞觀時遂以左丘明以下二十二入爲先師配食孔聖夫聖作之者也師述之者也述夫子之道以親炙言之則莫如十哲七十二賢以傳授言之則莫如子思孟子必是而後可以言先師可以繼先聖今舍是不錄而皆取之於釋經之諸儒姑以二十二子言之獨子夏無以

議左丘明公羊高穀梁赤猶曰受經于聖人而得其大義至于高堂生以下則謂之經師可也非人師也如毛鄭之釋經於名物固為該洽而義理間有差舛至王弼之宗旨老莊賈逵之附會識緯則其所學已非聖人之學矣又况戴聖馬融之貪鄙則其素履固當見擯於洙泗今乃俱在侑食之列而高第弟子除顏子之外反不得與李元瓘雖懇懇言之而僅能升十哲曾子儕于二十子之例而七十二賢俱不霑享祀蓋拘于鄭康成之注而徒以專門訓詁為盡得聖人之傳也

開元十三年車駕過魯詣孔子宅親設奠祭遣使以太牢

祭其墓

唐書

綱鑑

詔褒聖侯每代長子一人承爵兼賜一子官

闕里志

開元二十七年詔追謚孔子為文宣王南向坐

先時學中以周公南

面而夫子坐西牖下貞觀中停周公祭而夫子位未改至是二京國子監天下州縣夫子始皆南向袞冕服

周洪謨曰袞冕之名通乎上下天子之服十二旒十二章一品之服九旒九章

兩京樂

用宮懸追贈顏子為充公西向配閔子騫冉伯牛冉仲弓

宰子我端木子貢冉子有仲子路言子游卜子夏九人為

侯曾子輿等七十三人為伯

詳見東西列傳

唐書

丘文莊日文宣之謚始此亦孔子封王弟子封公侯伯

之始

鄭端簡曰近世多議從祀諸儒而不及十哲十哲直取
 陳蔡一時與難之賢非孔門定論自開元迄今無敢議
 者夫有若之言四見論語大類聖人公西赤志於禮樂
 有為邦之才其為言語政事不優于宰冉乎我求言行
 不必徵諸史傳論語中多有之視二子優劣何如宜進
 祀二子於殿上改求我廡中

行謹按四賢皆聖門高等而十哲之說亦原非定額
 卽令從陳蔡諸賢當日或多或少或非顏閔西科
 豈可遽執為定見而祀典遂不一議之乎况顏子早
 躋配享厥後曾子子思孟子率稱四配其不因從陳

蔡明矣有子子華聖門大賢之亞躋于殿庭得如宋
 紹興特升子張之例在今日亟為要典至宰冉二賢
 歷代崇祀已久固不必讓位卽曰十二哲亦何病也

改封孔子三十五代孫璲之為文宣公 新唐書 闕里志

開元二十八年詔春秋二仲上下以三公攝事 新唐書

開元禮 斯禮開元二十年撰畢自後儀注續有變改

神位

仲春仲秋上下釋奠於太學孔宣父為先聖顏子為先師
 凡九十五座先聖先師籩豆各十簋籩各二甗劔俎各三
 其七十二弟及左丘明等二十一人 子夏從十哲之數 故止二十一人 從

祀諸座籩豆各二簠簋俎各一

新撰享樂用姑洗之均

通典注云以姑洗為宮也

三成

祀先聖用太牢凡肉皆實俎其牲皆升右胖體十一前節

三肩肅後節二肫胙正脊一脰脊一橫脊一長脇一短脅

一代脇一皆二骨以並脊從前為正脅旁中為正凡供祭

用太牢犢一羊一猪一酒二斗脯一段醢四合若供少牢

去犢減酒一斗

凡用籩豆各十二籩實以石鹽乾魚乾棗棗黃榛子人菱

人芡人鹿脯白餅黑餅豆減脾析菹豚胎 用籩用各四籩實

菹鹿醢芹菹兔醢笋菹魚醢脾析菹豚胎飽食糝食 用

籩豆各十籩減糗餌粉資豆減飽食糝食 用籩豆各八

籩又減白餅黑餅豆減脾析菹豚胎 用籩用各四籩實

石鹽乾棗栗榛鹿脯豆實芹菹兔醢菁菹魚醢也 用籩

豆各二籩實栗黃牛脯豆實葵菹鹿醢 用籩豆各一籩

實牛脯豆實鹿醢也 其應用牛脯者亦通用羊脯 用簠簋各一簠實稻

飯簋實黍飯甑實太羹鉶實肉汁 凡祀神之物當時所無者則以時物代之

謹按釋文

胖

說文半體月曰胖猶肩也 臂本肅音如判也六書牲半解也

至肘曰肅禮少儀凡膳告于君子其禮太牢則以牛左肩臂肅折九箇注臂肅肩脚也九箇自肩至上至臑

折為九段也又肅嫩奕貌 臂自肘至肫胙 肫音屯腊楚詞肥牛之健肅若芳些 腕曰臂

胙音各脊背脊 脰脊直脊謂之脰 脰音各脊背脊 脰脊直脊謂之脰 脰音各脊背脊 脰脊直脊謂之脰

脇 左右腋下 **脯** 肉切而乾之曰脯周禮 **腊** 音息乾肉

臘之言夕也朝曝之夕乃乾也 **菹** 醢菜也 以米粒和

人掌乾月凡田獸之脯腊疏云 **菹** 醢菜也 禮祭義

本草之菹陸產之醢周禮醢人掌七菹注韭菁葵茆

片落筍也 **醢** 肉醬也 毛氏曰几作醢者必先膊乾其肉 **糗** 說文

麥而磨之 **餌** 粉餅也 屑米為粉然後溲之揉成餅也

使碎屑也 **粉** 礶米為細末曰粉儀 **糗** 音慈說文

滋也餌之言堅 **粉** 禮饋食篇禮有粉糗 **糗** 音慈說文

潔如玉珥也 **糗** 禮饋食篇禮有粉糗 **糗** 音慈說文

禮籩人羞籩之實糗餌粉糗 **糗** 禮內則糗取牛羊

蒸曰餌餅之曰糗 **糗** 禮內則糗取牛羊 **糗** 音慈說文

糗即今飽食 **糗** 禮內則糗取牛羊 **糗** 音慈說文

和粉而為食也 **糗** 禮內則糗取牛羊 **糗** 音慈說文

切之稻米二肉一合而為餌煎之油糗米粉 **糗** 音慈說文

也米二肉一米為主肉為輔合以為餌也 **糗** 音慈說文

成曰朮脅也六書 **脾析菹** 謂切析其脾 **糗** 音慈說文

故曰膊肩甲也 **脾析菹** 謂切析其脾 **糗** 音慈說文

諸州釋奠於文宣王 縣釋奠同

前享三日刺史 縣令 散齋於別寢二日致齋於廳事一日

亞獻以下應享之官散齋二日各於正寢致齋一日於享

所 州以上佐為亞獻博士為終獻 其日助教及諸學生皆

清齋於學館一宿前享二日本司掃除內外又為瘞埽於

院內堂之壬地方深取足容物南出階本司設刺史以下

次於門外隨地之宜前享一日脯後本司帥其屬守門本

司設三獻位於東階東南每等異位俱西面設掌事位於

三獻東南西面北上設望瘞位於堂上之東北當瘞埽西

向設助教位 縣學官 於西階西南掌事學生位於助教之

位 縣學官 於西階西南掌事學生位於助教之

俱東面北上設贊唱者位於三獻西南西面北上又設贊唱位于庭埽東北南向東上設三獻門外位於道東每等異位俱西面掌事位於終獻之後北上掌事者以罇坫升設於堂上前楹間北向先聖之罇在西先師之罇在東俱西上皆加勺彙先聖爵一配座爵四各置於坫設幣篚於罇所設洗值東榮南北以堂深壘水在洗東加勺彙篚在洗西南肆實爵三巾二於篚加彙執樽壘洗篚者各位於樽壘洗篚之後享日未明烹牲於厨祝以豆二取牲血夙興掌饌者實祭器本司率掌事者設先聖神座於堂上西楹間東向設先師神席於先聖神座東北南向席皆以筦質明

諸享官各服祭服助教儒服學生青衿服本司帥掌事者

入實罇壘及幣每座罇二一實元酒為上一實醴齊次之禮神之幣各長丈八尺祝版各

置於坫贊唱者先入就位祝二人與執樽壘篚者入立於

庭重行北面西上立定贊唱者再拜祝以下皆再拜執樽

壘篚者各就位祝升自東階升行掃除訖降自東階各還

齋所刺史將至贊禮者引享官以下俱就門外位助教學

生竝入就門內位刺史至參軍引次之縣令則贊禮者引下放此贊唱

者先入就位祝入升自東階各立于罇後刺史停於次少

頃服祭服出次參軍事引刺史入就位西向立參軍事退

位立於左贊禮者引享官以下次入就位凡導引者每立曲一逡巡

定贊唱者曰再拜則刺史以下皆再拜參軍事少進刺史之左北面白請行事退復位祝俱跪取幣於篚興各立於

樽所凡取物者皆踞伏取以興本司帥執饌者奉饌陳於

門外參軍事引刺史升自東階進先聖神座前西向立祝

以幣北向授刺史刺史受幣參軍事引刺史進西向踞奠

於先聖神座前興少退西向再拜訖參軍事引刺史當先

師神座前北向立又祝以幣西向授刺史既受參軍乃引

刺史進北向踞奠于先師神座前興少退北向再拜參軍

事引刺史降復位本司引饌入升自東階祝迎引于階上

各設于神座前籩二豆蓋羃先徹乃升簋簋既奠却取蓋于下籩居右豆居左簋簋居其間羊豕二俎

橫而垂于右腊設訖本司與執饌者降出還樽所參軍事

特陳于左壁引刺史詣罍執罍者酌水執洗者跪取盤興承水刺史盥

手執篚者跪取巾於篚興進刺史悅手訖執篚者受巾踞

奠於篚遂取爵興以進刺史受爵執罍者酌水刺史洗爵

執篚者又跪取巾於篚興進刺史拭爵訖受巾踞奠於篚

奉盤者跪奠盤興參軍事引刺史升自東階詣先聖酒樽

所執樽者舉羃刺史酌醴齊參軍事引刺史詣先聖神座

前西向踞奠爵興少退西向立祝持版進於神座之右北

面跪讀祝文曰維某年國號歲次干朔日越祀日干刺

史縣令具官姓名敢昭告於先聖孔宣父惟夫子固天攸

放此

縱誕降生知經緯禮樂闡揚文教餘烈遺風千載是仰俾
 茲末學依仁游藝謹以制幣犧齊粢盛庶品祇奉舊章式
 陳明薦以先師顏子配尚饗祝興刺史再拜祝進跪奠版
 於神座興還罇所刺史拜訖參軍事引刺史詣先師酒罇
 所取爵於坵執罇者舉罇刺史酌醴齊參軍事引刺史詣
 先師神座前北向跪奠爵興少退北向立祝持版進於神
 座之左西向跪讀祝文曰敢昭告于先師顏子爰以仲春
 率遵故實敬修釋奠于先師顏子惟子庶幾具體德冠四
 科服道聖門實臻壺奧謹以制幣犧齊粢盛庶品式陳明
 獻從祀配神尚饗祝興刺史再拜訖參軍事引刺史詣東

序西向立祝各以爵酌福酒合置一爵一太祝持一爵進
 刺史之左北面立刺史再拜受爵跪啐酒奠帛俛伏興祝
 各帥執饌者進俎跪減先師神座胙肉各取前脚第二骨共置一
 俎上又以籩取稷黍飯共置一籩興祝先以飯進刺史受
 以授執饌者刺史跪取爵遂飲卒爵祝進受爵復於坵刺
 史興再拜參軍事引刺史降復位初刺史獻將畢贊禮者
 引亞獻詣盥洗盥手洗爵升獻飲福如刺史之儀惟不讀祝文亦
 不受胙訖降復位初獻畢贊禮者引終獻詣盥洗盥手升獻
 如亞獻之儀訖復位諸祝各進神座前跪徹豆興還罇所
 贊唱曰賜胙再拜非飲福受胙者皆再拜贊唱者又曰再

拜刺史以下皆再拜參軍事少進刺史之左西面白請就望瘞位參軍事引刺史就望瘞位西向立祝於神前取幣及毛血寘於坫贊唱者曰可瘞埋東西面各二人寘上半坎參軍事進刺史左白禮畢遂引刺史出還次贊禮者引祭官以下次出諸祝及執罇壘篚者各復掌事位贊唱者曰再拜祝以下皆再拜以出其祝版燔於齋所祭幣燔於燎架

以上俱開元禮全載杜氏通典

朱子曰某經歷諸處州縣學都無一箇合禮序釋奠散齋因陳膚仲以書問釋奠之儀今學中儀乃禮院所頒多參差不可用唐開元禮却好開寶禮只是全錄開元

禮易去帝號耳若政和五禮則甚錯

宋潛溪曰唐開元禮彷彿儀禮饋食篇而節文為詳

肅宗上元元年歲旱罷中小祀太學仍祀文宣王

新唐書

德宗貞元二年釋奠詔自宰臣以下畢集於國學

闕里志

貞元間每年春秋釋奠祝版御署訖北面而揖時歸崇敬

為膳部郎中奏以為其禮太重按大戴禮師尚父授周武

王丹書武王東面受之請參酌輕重庶得其宜

通考闕里志

憲宗元和十五年詔文宣王家與一子官

闕里志

武宗會昌五年有事于南郊詔賜孔氏一子官

宣僖兩朝並如之

宣宗大中元年宰臣向敏中請賜百縑充享祀

唐書

五代

唐莊宗長興二年復祀文宣王廟

朱梁喪亂祀典寢廢此特復之

宋史

周太祖廣順二年親征至兗如曲阜謁孔子祠既奠將拜

左右曰孔子陪臣也不當以天子拜之周主曰孔子百世

帝王之師敢不敬乎遂拜如墓復拜敕禁樵採

通攷
通鑑

胡致堂曰孔子大聖途之人猶知之豈以位云乎哉如

以位固異代之陪臣也如以道則配乎天地如以功則

賢于堯舜斯臣也當周太祖時以拜孔子為不可則當

石高祖時必以拜契丹為可矣是故君子有言天下國

家所患莫甚於在位者不知學在位者不知學則其君

不得聞大道淺俗之論易入義理之言難知人主功德

高下一係於此然則學乎學乎豈非君臣之急務哉

聖門禮樂統卷之二

終

聖門禮樂統卷之二

并

高下不一於此也然則學乎學乎豈非欲用之於後世
不特開大哉於此也之論以入焉則之古樂於人有以

